

«ТАСДИҚЛАЙМАН»
Самарқанд давлат тиббиёт
институтининг ректори, профессор
_____ **Ж.А. Ризаев**
« _____ » **март** 2020 йил.

САМАРҚАНД ДАВЛАТ ТИББИЁТ ИНСТИТУТИ ИЛМИЙ КЕНГАШИНИНГ

Н И З О М И

Мазкур Низом Ўзбекистон Республикасининг “Таълим тўғрисида”ги (Ўзбекистон Республикаси Олий Мажлисининг Ахборотномаси, 1997 й. 9-сон, 225-модда) ва “Кадрлар тайёрлаш миллий дастури тўғрисида”ги (Ўзбекистон Республикаси Олий Мажлисининг Ахборотномаси, 1997 й. 11-12-сон, 295-модда) қонунларига, “Олий таълим тўғрисида”ги Низомга, Ўзбекистон Республикаси Олий ва ўрта махсус таълим вазирлигининг “Олий таълим муассасасининг Илмий кенгаши тўғрисида”ги намунавий Низомга ва СамДТИ ректорининг 2013 йил 31 декабрдаги 816-сонли буйруғига мувофиқ СамДТИ Илмий Кенгаши фаолиятини ташкил этиш тартибини белгилайди.

1. Умумий қоидалар

Ушбу Низом СамДТИ Илмий Кенгаши учун асосий меъерий ҳужжатлардан бири ҳисобланади.

СамДТИ фаолиятига тегишли асосий масалаларни кўриб чиқиш учун ректор раислигида институт Илмий кенгаши (кейинги ўринларда - Илмий кенгаш) ташкил этилади. Илмий кенгаш таркиби ректор, проректорлар, илмий котиб, факультетлар деканлари, бўлим раҳбарлари, кафедра мудирлари, ёшлар иттифоқи кенгаши раиси аъзолари институтнинг йирик олим ва мутахассислари, шунингдек, жамоат ташкилотлари раҳбарларидан ташкил этилади. Илмий кенгаш аъзоларининг ваколат муддати - 5 йил.

Илмий кенгаш таркиби олий таълим муассасаси ректорининг буйруғи билан тасдиқланади. Ҳар ўқув йилининг бошида, турли сабабларга кўра Илмий кенгаш таркибидан чиққанлар ўрнига, янги аъзолар сайланади ёки низом бўйича киритилади.

2. Илмий кенгашнинг мақсад ва вазифалари

1. Илмий кенгашнинг мақсади - институт жамоаси сайъ-харакатлари, интеллектуал салоҳияти ва бошқа барча имкониятларни Ўзбекистон Республикасининг “Таълим тўғрисида”ги ва “Кадрлар тайёрлаш миллий дастури тўғрисида”ги қонунларида белгиланган вазифаларнинг бажарилишини таъминлаш, олий таълимнинг давлат таълим стандарти талаблари даражасида мукаммал билим, малака, кўникмаларга эга бўлган профессионал мутахассислар тайёрлашга йўналтиришдан иборат.

Самарқанд давлат тиббиёт институти Илмий Кенгаши:

- Кадрлар тайёрлаш миллий дастурига мувофиқ давлат таълим стандартлари, ўқув режалари ва дастурларининг қатъий бажарилишини ўрганиб чиқади ҳамда устивор масалалар бўйича тавсия ва топшириқлар белгилайди;
- факультетларнинг ўқув, илмий-тадқиқот ва маънавий-маърифий ишлари тўғрисидаги, академик лицейлар, олий таълим муассасаси қошидаги илмий жамиятларнинг фаолияти тўғрисидаги, қабул комиссиясининг қабул натижалари тўғрисидаги, шунингдек маркетинг хизматининг халқ хўжалигининг битирувчи мутахассисларга бўлган эҳтиёжи, буюртмачи ташкилотлар билан ҳамкорлик алоқалари тўғрисидаги ҳисоботларини эшитади ҳамда тегишли қарор қабул қилади;
- илмий-тадқиқот, маънавий-маърифий ишлар режалари ижроси, профессор-ўқитувчилар таркибининг малака ошириш ва қайта тайёрлаш масалаларини муҳокама қилади ҳамда тегишли қарорларни қабул қилади;
- Самарқанд давлат тиббиёт институти ривожланишининг йиллик ва истиқболли режаларини тасдиқлайди, моддий-техник таъминот ва молиявий-хўжалик фаолияти натижаларини муҳокама қилади ҳамда тегишли қарорларни қабул қилади;
- факультет ва кафедраларни очиш, тугатиш, ўзгартириш, шунингдек маркетинг хизмати таклифларини ҳисобга олган ҳолда янги бакалаврият йўналишлари ва магистратура мутахассисликлари бўйича кадрлар тайёрлашни йўлга қўйиш ёки тўхтатиш билан боғлиқ масалалар бўйича қарор қабул қилади;
- Институт педагог ходимларни танлов асосида ишга қабул қилиш тартиби тўғрисида”ги Низомга мувофиқ профессор-ўқитувчилар лавозимларини эгаллаш учун танловлар ўтказиши;
- профессор, доцент илмий унвонини олишга интилаётган изланувчиларнинг ҳужжатларини кўриб чиқади ва белгиланган тартибда илмий унвонга тасдиқлашга тақдим этади;

- Самарқанд давлат тиббиёт институти битирувчилари ҳамда профессор-ўқитувчиларининг инглиз тилини билишларини таъминлаш ва компьютер технологиялари, интернетдан фойдалана олишлари бўйича таянч кўникмаларни шакллантириш масалаларини муҳокама қилади ва чоратадбирлар белгилайди;
- таълим жараёнининг ўқув адабиётлари билан таъминланганлиги, янги авлод дарслик ва ўқув қўлланмалари, шунингдек инновацион таълим технологияларини қўллашга асосланган ўқув-услубий мажмуаларни тайёрлаш ва нашр этиш масалаларини муҳокама қилади;
- таянч ва мустақил докторантурага илмий изланувчиларга номзодларни тавсия этади, уларнинг шахсий режалари ва диссертациялари мавзуларини тасдиқлайди;
- иқтидорли талабалар сафидан ва профессор-ўқитувчилар таркибидан номзодларни “Истеъдод” жамғармалари орқали ҳорижий олий таълим муассасаларида стажировка ўтишга тавсия этади;
- институт иқтидорли талабалари, докторант (DSc), таянч докторант (PhD) ва мустақил изланувчилари сафидан Ўзбекистон Республикаси Президенти Давлат стипендияси ва давлат стипендиялар танловида иштирок этадиган номзодларни тавсия этади;
- Ўзбекистон Республикаси Фанлар Академияси номзодлигига, “Ўзбекистон Республикасида хизмат кўрсатган фан арбоби”, “Ўзбекистон Республикасида хизмат кўрсатган шифокор” фахрий унвонига, Давлат мукофотларига ва бошқа мукофотларга номзодларни тавсия этади;
- Тиббиёт соҳасида фаолият курсатаётган республикамиз ва ҳорижий мамлакат олимларига Самарқанд давлат тиббиёт институтининг “Фахрий профессори” унвонини бериш бўйича қарор қабул қилади;
- “Соғлом авлод учун” жамғармаси билан ҳамкорликда талабаларнинг жисмоний тарбияси ва уларнинг соғликларини янада яхшилаш бўйича тадбирлар ишлаб чиқади;
- асосий буюртмачи ташкилот, корхона ва муассасалар билан корпоратив ҳамкорликни ривожлантириш, моддий-техник базани мустаҳкамлаш ҳамда талабаларнинг малакавий амалиёти самарадорлигини ошириш масалаларини муҳокама қилади ва уларни яхшилаш бўйича тавсиялар ишлаб чиқади;
- ҳорижий мамлакатларнинг олий таълим муассасалари билан ҳамкорлик алоқаларини ўрнатиш бўйича қарорлар қабул қилади;

- таълим хизматлари билан шуғулланувчи кичик корхоналар, фирма ва курслар фаолияти хақида раҳбарларнинг ҳисоботларини эшитади ҳамда тегишли қарор қабул қилади;
- олий таълим муассасаси талабалари ва ходимларининг техника хавфсизлиги ва меҳнат муҳофазасини такомиллаштириш бўйича тадбирларни белгилайди.

3. Илмий кенгаш фаолиятини ташкил этиш

1. Илмий кенгаш ўз фаолиятини ҳар ўқув йили учун ишлаб чиқиладиган режага мувофиқ амалга оширади. Илмий кенгаш режаси Илмий кенгаш томонидан кўриб чиқилганидан сўнг институт ректори томонидан тасдиқланади.

2. Институтининг ўқув, илмий-услубий, илмий-тадқиқот, маънавий-маърифий ва ташкилий ишларга доир барча масалалар буиича Илмий кенгаш қарорлари очиқ овоз бериш тартибида кўпчилиكنинг овози билан қабул қилинади. Илмий кенгаш мажлиси унинг таркибидаги аъзоларнинг 2/3 қисми иштирок этгандагина ҳақиқий ҳисобланади.

3. Профессор-ўқитувчилар таркиби лавозимларини эгаллаш, ҳамда профессор ёки доцент илмий унвонларини бериш бўйича ўтказиладиган танловлар ва тақдимномалар юзасидан қарорлар ёпик овоз бериш йўли билан белгиланган тартибда қабул қилинади.

4. Илмий кенгаш қарорлари институт ректори томонидан тасдиқланганидан сўнг кучга киради.

5. Илмий кенгаш мажлиси баённома билан расмийлаштирилади. Баённомалар Илмий кенгаш раиси ва илмий котиби томонидан имзоланади.

6. Илмий кенгаш раиси мунтазам равишда илмий кенгаш қарорларининг бажарилиши бўйича текширувлар ташкил этади ва Илмий кенгаш аъзоларига уларнинг натижалари хақида ахборот беради.